



UNIVERSITÄTS-
BIBLIOTHEK
PADERBORN

Universitätsbibliothek Paderborn

Jnnerlicher Christ/ oder Die Jnnerliche Gleichförmigkeit/ welche der Christ mit Christo haben soll

Bernières-Louvigny, Jean de

Einsidlen, 1684

Vorred. An den Andächtigen Leser.

urn:nbn:de:hbz:466:1-37892



Vorred

An den Andächtigen
Leser.

W Elhie hast du ein Buch / darvon hievor
in Frankreich nit gnugsamme Ex=
emplar haben mögen getruckt werden; al=
so das dreyssig tausent derselbigen die zu
ihm tragende Andacht nit hat ersättigen
können; dermassen geistreich vnd fürtreff=
lich ist sein Materij; ob gleichwol man sei=
nen Auctoren nit wüßte / den jedermann
zu wissen hoch begehrte. Vnd auch ich /
als ich dises Buch verteuschte / ihne noch
nit wüßte; Es hat aber dem Allmächtigen
Gott gefallen / mich in Erkantnis seiner
kommen zulassen / in deme ich in einem hoch
ansehenlichen Frawenkloster Benedictiner
Ordens mich befande / vnd mir von selbi=
gen Geistlichen Frawen etliche Französische
Bücher vorgezeigt wurden / ich in ei=
nem derselbigen sein Controsset (so auch
hievor

getruckt ist) seinen Namen / andere seine
Schriften vnd Bücher / vnd gleich zu-
mahl eine kurze Beschreibung seines Le-
bens / Wandels / vnd sehr seeligen Ster-
bens mit höchster Freud meines Herrkens
gefunden hab.

Ist also der Scribent / Auctor / Br-
heber vnd thätliche Würcker dises Inner-
lichen Christens gewesen / der Weiland
Boledel gebohrne Herz Johann des Ber-
nieres Louuigni gebürtig auß Caen der
Hauptstatt in der vnderen Normandi-
gewester hievor Königlicher Rath / vnd
Schatzmeister; hernach aber vil Jahr in
weltlicher Kleidung vnd Stand ein Ein-
sidler / einem hochem Gebett immerzu er-
geben / so vil vnd grossen Nutzen zu Got-
tes Ehr vnd Befürderung viler Seelen
Heyl geschaffet / vnd leystlich aller gesund
vnd frisch an dem 3. Tag May / das ist
an der Erfindung des H. Creuzes seines
liebsten Schazes vnder seinem ordinari
Abend- Gebett in der Postur eines bet-
tenden Todts verscheyden gefunden ist wor-
den. Vnd dieweil man der vngeweyffle-
ten Hoffnung ist / es werden die auffrich-
tige

NVI

44a.

tige Fromme Teutsche nit weniger An-
 dacht gegen disem Buch erzeigen / als ge-
 than / vnd noch jeko thun die Frankosen /
 wird darum man verursachet / soches hier
 mit an das teutsche Liecht zu geben: vnd
 zumahl den Allgütigen Gott vnd Vatter
 der Liechteren demütigst zu bitten / er wolle
 allen Teutschen sein H. Gnad geben / nit
 allein es zu lesen / in Gedächtnuß vnd
 zu Herzen zu fassen / sonder durch auß sich
 ihme gleichförmig zu machen: Auff das
 also der Christliche Teutsche vnd zumahl
 alle Christen / Christo ihrem Herrn vnd
 Heyland sich ähnlich vnd gleich-
 förmig erzeigen.



JE